



Università degli Studi di Udine

COMUNICÂT STAMPE + FOTO ANTEPRIMA

Sucès pe iniziative dal Cirf finanziade cui fonts de leç 482/99 LENGHE FURLANE: CONSEGNÂTS 41 ATESTÂTS AI DIPENDENTS DI ATENEU E PROVINCIE DI UDIN Dal 2007 organizâts 29 cors par passe 350 participants

Udin, ai 10 di lui dal 2009 - Ance chest an si son sierâts cun sucès i cors di lenghe furlane pai dipendents de publiche aministrazion, organizâts dal Centri interdipartimentâl di ricercje su la culture e la lenghe dal Friûl (Cirf) de universitât di Udin. La consegne dai atestâts si è divulgjude te sale dal Consei di Palaç Florio. La cerimonie e à metût adun, pe prime volte, ducj i 41 corsiscj dal Ateneu, de Provincie di Udin e dai altris Ents locâi (Regjon e Comuns de provincie) che a àn superât la prove finâl. A dâju il bon acet a jerin il retôr Cristiana Compagno, il president de Provincie di Udin Pietro Fontanini e il diretôr dal Cirf Piera Rizzolatti. Tai ultins trê agns la Universitât di Udin e à organizât in dut 29 cors di lenghe furlane par passe 350 participants no dome a Udin, ma ançe a Pordenon e Gurize.

«La Universitât dal Friûl - al à marcât il retôr Compagno - e conferme il so impegn sul front de lenghe e culture furlane, par mieç dai imprescj formatîfs che o cirarìn di infuartî in colaborazion cui atôrs dal teritori». Pal president de Provincie di Udin, Pietro Fontanini «e je une iniziative che ogni an e tire dongje une vore di consens, no dome tra i dipendents des publichis aministrazions, ma ançe tra i citadins e i students. Pai dipendents publics, in particolâr, vê podût infondî la cognossince de marilenghe al pues jessi une maniere di stâ plui dongje dal citadin». «Dal 2007 - e à marcât Piera Rizzolatti - o vin podût vierzi lis iscrizions dai cors di formazion, finanziâts cui fonts de leç 482/99 che a rivuardin la formazion in lenghe furlane e organizâts dal Ateneu, no dome al personâl de universitât, ma ançe a cui che al lavore in altris Ents publics, cun di plui dai citadins e students interessâts ae materie e intervignûts tant che uditôrs».

In particolâr tal 2009 a Udin il Cirf al à organizât cuatri cors, doi di nivel base e doi di nivel intermedi, risiervâts ai dipendents de Provincie di Udin (insegnants Fabio Boltin e Linda Picco) e dal Ateneu (insegnants Mario Martinis e Franco Finco) e coordinâts di Alessandra Montico. Cun di plui, a son stâts organizâts doi cors di formazion pai dipendents de Provincie di Gurize e des aministrazions dal teritori gurizan e la seconde edizion dal cors “Comunicâ in lenghe furlane” destinâts ai dipendents des publichis aministrazions, ai gjornaliscj e ai adets aes comunicazions. L’obietîf al è chel di «disvilupâ simpri cognossincis e competencis linguistichis - e siere la Rizzolatti - pal davuelziment di ativitâts lavorativis in marilenghe te publiche aministrazion, cul favorî l’aprendiment di un lengaç setoriâl tecnic-amministratîf che al faciliti la comunicazion cui utents e al aplichî lis normis previodudis su lis minorancis linguistichis e tal teritori».

Che i participants ae edizion 2009 dai cors ativâts dal Cirf: **pal Ateneu** Accaino Angela, Comar Debora, Corazza Roberta, Faggiani Raffaella, Francescutti Alessandra, Galante Filippo, Guarino Giovanni, La Rosa Cassaniti Concetta, Lauzana Gianni, Maronese Petra, Miconi Angela, Minotti Magda, Nimissutti Serena, Pelessoni Francesca, Rosso Laura, Seravalli Marco, Spizzamiglio Remo, Ursino Valeria, Zaninotto Fabiano. **Pe Provincie di Udin** Asquini Lisa, Azzini Mauro, Bulfon Zaira, Carlà Enza, Cogoi Patrizia, Colautti Luca, Crapiz Dino, Cussigh Carlo, De Colle Daniele, Landolfi Paolo, Londero Nerina, Marcotti Sabrina, Palmisano Guido, Pascolat Andrea, Pascolo Nilla, Perego Marcello, Renda Emanuela, Steffanin Gianni, Vanino Elisa, Zuodar Paola, Zuppello Giorgio, Zurini Francesca.

UFFICIO STAMPA UNIVERSITÀ DI UDINE

Palazzo Florio, via Palladio 8 – 33100 Udine
tel. 0432-556270, fax 0432-556279, e-mail: ufficio.stampa@amm.uniud.it
Silvia Pusiol – 329 7506236, Stefano Govetto, Francesca Pelessoni